

Lauxhangz Comz Lungzlinz Yaengbingz Benqyawj Nem Boiqyaem Cezmuz Vah Minzcuz Baksak Si

专家聚集隆林评议百色市民族语节目视频及配音

10 nyied 31 hauh daengz 11 nyied 1 hauh, bi 2018 Gvangjsih gvangjbo cezmuz doxcomz yaengbingz cezmuz ruzgungz caeuq vah minzcuz cienzdaez hozdung, youq Lungzlinz Yen haiguh. Swcigih Sinhvwnz Cuzbanj Gvangj-dengiz bouxyaengbingz《Yawj Dingq Yaengbingz》camgya le hozdung.

Hozdung yaengbingz gungu sou ndaej Baksak Si 12 aen yienh, gih cezmuz vah minzcuz 28 gienh(diuz), gyoengq lauxhangz doenggvaq ngonz benqyawj, dingq boiqyaem daengj fuengsik doiq gij cozbij senjoengq haenx guh diemjbingz, nyinhnaeuz: Gij cezmuz Cingsih、Denzyangz、Lungzlinz daengj yienh si, neiyungz lai yiengh, dep heiqlnamh, miz daegsaek. Lij naeuz: Hong fanhoiz aeu guh daengz cinjdeng mbouj loek, doengsug ngaih rox, caenhsim guhdaengz noix ciq Vahgun, louzce daegsaek vah minzcuz.

(Yiz Ciz/余执)

► Hozdung yienhciegz.



▲ Doxdax biujyenj yienhciegz.

Dwzbauj: Banh Siujhagseng Doxdax Biujyenj Dinfwngz Vahcuengh Biucinj

德保:举办小学生标准壮语才艺表演比赛

10 nyied 27 hauh, Dwzbauj Yen bi 2018 siujhagseng doxdax biujyenj dinfwngz Vahcuengh biucinj youq Dwzbauj Sanhcungh gawjhengz, Cuengh Gun sueng vah hagdangz doihdaibuij daj Duh'anh Yangh Cungh-sinhyau、Lungzsangh Cin Cunghsinhyau、Nazgyaz Cin Cunghsinhyau、Majai Cin Cunghsinhyau、Gujsou Cunghsinhyau daengj daeuj haenx camgya mbat hozdung doxdax neix.

Camgya doxdax cezmuz loihhingz miz habciengq、siujbinj、ciengqheiq、gvaibanj daengj, hingzsiq lai yiengh, neiyungz fungfouq, cungfaen langhyienj le aen yienh neix dwzcangz dinfwngz caeuq hingzsieng hagseng ndei Cuengh Gun sueng vah hagdangz. Ginggvaq haenqhwd doxdax, Duh'anh Yangh Cunghsinhyau daengj song aen doihdaibuij ndaej it daengjciengj, Lungzsangh Cin Cunghsinhyau daengj sam aen doihdaibuij ndaej ngeih daengjciengj.

(Nungz Yimeiz/农玉梅)

Gunghcwngz: Ndaej Gepbaiz Daih'it "Aen Yienh Habyouq Heiqhaeuh Cungguek"

恭城:获首个“中国气候宜居县”牌匾

10 nyied 27 hauh, Gunghcwngz Yauzcuz Swciyen daih cibhaj gaiq ciet lwgndae hai suen yizsi nem yienh habyouq heiqhaeuh Cungguek hawj baiz yizsi youq aen yienh neix Lenzvah Cin Hungzyenz Cunh gawjhengz. Guekgya Heiqhaeuh Cungsim cujyin doeg gij gezgoj bingzdingh Gunghcwngz byauhci heiqhaeuh guekgya, lij soengq gepbaiz "Aen Yienh Habyouq Heiqhaeuh Cungguek" hawj Gunghcwngz.

Ciuq cam rox, Gunghcwngz dwg riengzlaeng Cezgyangh Gendwz Si caeuq Neimungzgij Ah'wjsanh Si le, daihsam aen yienh si aeundaej byauhci heiqhaeuh guekgya, caemh dwg daengx guek aen yienh daih'it habyouq heiqhaeuh.

(Cwng Ciminj/郑智敏 Moz Cenz-gvangh/莫前光)



▲ Fat baiz yizsi yienhciegz.

Sanhgyangh: Bak Boux Mehdajsiuq Doxdax Dinfwngz Dajsiuq

三江:百名绣娘竞绣技



▲ Doxdax dajsiuq yienhciegz.

10 nyied 31 hauh, Sanhgyangh Duncuz Swciyen youq Dunczloz Myauzcuz Yangh banh "hoh fungsou angqcoux Swcigih laebbaenz roekcib hopbi" nem "sueng hag sueng beij" doxdax dajsiuq, aeu fuengsik doxdax dinfwngz dajsiuq ma doidoengh swnjcienz caeuq hwngfat canjyez dajsiuq Duncuz. Dangqnaj, daengx yienh couh miz 3000 lai mehmbwk lajmbanj guh gij hong dajsiuq neix, gaengq baenz aen canjyez demsou baenzfouq cunhminz dangdieg.

(Vuz Lenyin/吴练勋)